



Mali Most Logotip

Konkurs/natječaj za izbor logotipa Fondacije „Mali Most“

Fondacija za razvoj i unapređenje sportskih i rekreativnih aktivnosti „Mali Most“ u Mostaru pokreće sportsku Akademiju „Mali Most“. Obzirom da nismo željeli nametati rješenja kada je u pitanju logo Fondacije, ovim putem pozivamo djecu grada Mostara, učenike osnovnih i srednjih škola da osmisle logo Fondacije koji bi se koristio kao zaštitni znak, koji će se koristiti u svim službenim dokumentima, prezentacijama, kao i u svim oglašavanjima putem društvenih medija.

Konkurs/natječaj za izbor logotipa Fondacije provodi se u sklopu projekta „Dijalog za budućnost“ koji implementiraju UNDP, UNICEF i UNESCO u partnerstvu sa Predsjedništvom Bosne i Hercegovine. Projekt „Dijalog za budućnost“ se finansira sredstvima Ureda Ujedinjenih nacija za podršku izgradnji mira / Fonda za izgradnju mira (PBF).

Ko smo mi

Misija i vizija: Obzirom da sport i sportska aktivnost pozitivno utječu na društvo, zbog svoje sposobnosti želimo koristiti sport kao univerzalni jezik i alat u izgradnji i razvoju povjerenja, premošćivanje kultura i stvaranje zajedničkih identiteta.

Mali Most koristi sport kao i obrazovni alat za promicanje mirnog suživota i interkulturalnog dijaloga među stanovništvom mladih u Bosni i Hercegovini.

Fondacija će sve svoje aktivnosti održavati na uskoro renoviranom SC Kantarevac, dok će sportska akademija biti u potpunosti besplatna što uključuje treninge, putovanja, takmičenja, sportsku opremu, edukativne radionice. Također akademija će biti dostupna svima, bez obzira na spol, imovinsko stanje, etničku pripadnost, političko i drugo opredjeljenje.

Mali Most ima 3 glavna cilja:

- Promicati i poticati otvorenu i uljudnu interakciju između djece različitih etničkih, vjerskih i kulturnih skupina kroz sportske aktivnosti i igre.
- Gajiti sigurnu i razigranu okolinu u kojoj su djeca u mogućnosti da se uključe u sportske aktivnosti, zadovolje društvene i fizičke potrebe, kao i da aktivno sudjeluju u izgradnji svoje zajednice.
- Osigurati redovite radionice životnih vještina i niz skupnih aktivnosti za pomoć djeci u razvoju osobnih kompetencija i znakova.



Konkurs/Natječaj: objekt, kriteriji, poruka

Objekt: Konkurs/Natječaj za dizajn logotipa Fondacije, koji će biti zaštitni znak Fondacije i koristiti će se u svim službenim dokumentima Fondacije „Mali Most“ kao i putem svih društvenih mreža.

Karakteristike logotipa:

Logotip mora imati opipljivu vezu s osnovama identiteta. Logotip će slobodno interpretirati misije, vizije i ciljeve postojanja Fondacije „Mali Most“. Treba biti vedro i intuitivno rješenje, koje se može lako razmnožavati u svakom formatu.

Pravna pitanja

Tri prvoplasirana autora se obavezuju da već sa svojom prijavom prenose svoja autorska prava za korištenje logotipa na Fondaciju „Mali Most“.

Sudionici: konkurs/natječaj je otvoren za učenike osnovnih i srednjih škola sa područja Grada Mostara.

Nagrade

Tri prvoplasirana autora proglasiti će se na ceremoniji svečanog otvaranja Sportske akademije koja je planirana za 7.11.2015.g.

Fondacija „Mali Most“ u suradnji sa UNDP-om i projektom Dijalog za budućnost nagradit će autore tri prvoplasirana logotipa, kao i škole iz kojih autori dolaze!

1.mjesto – autor – nagrada: bicikl ili druga sportska oprema u vrijednosti do 800 KM

Škola koju pohađa autor logotipa koji je osvojio 1.mjesto dobiva sportsku opremu/rekvizite u vrijednosti: do 1,500 KM

2.mjesto – autor – nagrada: bicikl ili druga sportska oprema u vrijednosti do 700 KM

Škola koju pohađa autor logotipa koji je osvojio 2.mjesto dobiva sportsku opremu/rekvizite u vrijednosti: do 1,000 KM



3.mjesto – autor – nagrada: bicikl ili druga sportska oprema u vrijednosti do 600 KM

Škola koju pohađa autor logotipa koji je osvojio 3.mjesto dobiva sportsku opremu/rekvizite u vrijednosti: do 800 KM

Uz prijavu obavezno popuniti prijavni obrazac koji se nalazi u prilogu.

Konkurs/natječaj ostaje otvoren do 01.11.2015.g.

Prijave na Javni poziv dostaviti na adresu Fondacija „Mali Most“, ulica dr. Ante Starčevića 34

Sa naznakom „Prijava na konkurs/natječaj za izbor logotipa“

Također prijave možete slati i putem e-maila: malimost2015@gmail.com